

Tribunál Rekursu Pronúnsia LAP Konstitusionál

12/03/2019



Prezidente Tribunál Rekursu, Deolindo dos Santos. Imajen Egas Cristovão

DILI,(TATOLI) – Prezidente Tribunál Rekursu, Deolindo dos Santos, pronúnsia rezultadu fiskalizonaun abstrata ba alterasaun Lei Atividade Petrolíferu (LAP) Konstitusionál.

“Fiskalizonaun ne’ebé Tribunál Rekursu halo, matéria hotu laiha inkonstitusionál, so ida de’it maka viola konstituisaun”, hateten Prezidente TR, Deolindo dos Santos, ba jornalista sira, ohin, iha Tribunal Rekursu.

Kona-ba detalladamente matéria ne’ebé viola konstituisaun, Diolindo dos Santos, labele fó sai lei la permite. “Ha’u kundu fó sai matéria ne’ebé inkonstitusionál signifika ha’u fó sai konteúdu desizaun, tanba ne’e maka lei la permite fó sai kestaun ne’e”, salienta Diolindo dos Santos.

Parte seluk, Prezidente Parlamentu Nasionál, Arão Noe de Jesus, esklaresa katak, supremu tribunál deklara artigu ida husi LAP maka inkonstitusionál, maske nune’e laiha ona alterasaun ba lei ne’e.

“Rezultadu di’ak, no tribunál deklara inkonstitusionál ba tratadu ne’ebé altera ba artigu rua husi alterasaun ne’e rasik”, hateten Arão Noe de Jesus.

Nia hatutan, laiha ona alterasaun, desizaun tribunál nian iha alínea ida maka labele implementa tanba inkonstitusionál no artigu ne’e suspendidu, maibé artigu seluk vale.

Jornalista: Zezito Silva

Editór: Francisco Simões

